

Fiji Hindi - Aurat Baaibal - Wives Scriptures

Efisia 5:22-24 Ek aurat ke, aapan admi ke aage rakkhe ke chaahi, jeise u Prabhu ke kare hei. 23 Krist aapan chech jon uske deñhi hei, uske hed aur bachaay waala hei, wahi rakam ek admi aapan aurat ke hed hei. 24 Aurat log ke hardam aapan admi log ke aage rakkhe ke chaahi, jeise chech Krist ke aage rakkhe hei.

Efisia 5:31,33 Jeise Baaibal bole hei, "Ek admi aapan amma bappa ke, saadi kare ke waaste chhoڑe hei, aur u aapan aurat se ek hoy jaay hei." 33 To har ek admi ke aapan aurat se otna pyaar kare ke chaahi jetna u apne aap ke pyaar kare hei, aur uske aurat ke uske aadar kare ke chaahi.

1 Kurinth 7:3-5 Pati aur patni ke ek dusra se aapan rishta nibhaay ke chaahi. 4 Ek patni aapan deñhi ke maalik nai hei, lekin uske pati hei, aur ek pati aapan patni ke hei, apne aap ke nai. 5 Yahi kaaran ek dusra se deñhi se rishta ke 'naa' nai karo, lekin agar tum ek dusra se samjhaota kara hei ki thora din alag rahega, to theek hei ki jisse tum preya meñ ٹaaim bitaay sakta hei. Tab saitaan tumhaar aapan kontrol ke kami ke kaaran test nai lewe saki.

1 Kurinth 7:34 Yahi khaatir u dui bagal khichaawe hei. Kuaari aurat aur u aurat log jon ke saadi nai bhaiis hei, Prabhu ke khusi kare ke waaste chinta kare hei, aur u log aapan deñhi aur dimaag sudh rakkhe hei. Lekin ek saadi suda aurat i dunia ke cheej ke waaste chinta kare hei, kaahe ke u aapan admi ke khusi kare maañge hei.

Kolosia 3:18 Ek patni ke chaahi ki u aapan pati ke aage rakkhe. Ek Prabhu ke biswaasi hoy ke naate i uske diuти hei.

1 Timathi 2:11-15 aur ulog ke chuppe rahe ke aur dhyaan de ke sab seekhe ke hei. 12 Ulog ke chuppe rahe ke hei aur admi ke nai sikhaay ke hei aur nai bataay ke hei ki kaa kare ke hei. 13 Kaahe ke, Eiđam ke Eev se pahile banaawa gay raha, 14 aur Eiđam ke beokuuf nai banaawa gay raha. U Eev rahi jiske puura beokuuf banaay dewa gay raha, aur wahi paap karis. 15 Lekin aurat log bachcha peida kare ke kaaran se bachaawa jaai, agar ulog sachcaai, prem, pawitr aur saadhaaran se rahi.

Vachan 3:16 - 1 Peeṭa 3:1-6 Agar tum patni hei, tab tum aapan pati ke aage rakkho. Agar tumhaar pati vachan ke agaiñst jaay hei, to tum aapan chaal chalan se uske jeet lega. Koi aur ke usse kuchh aur bole ke nai rahi, 2 kaahe ke u dekhi ki keise tum Parmeshwar

ke aadar karta hei aur ek pawitr laaif bitaata hei. 3 Dekhaaoți siñgaar jeise ki fensi baar aur sona ke gahna ya keemti kapra jon tumme sundar banaay uspe bharosa nai karo. 4 Naram chaal chalan se aapan dil meñ sundar bano. I rakam ke sundarta sab din rahi, aur Parmeshwar yahi ke khaas samjhe hei. 5 Bahut din pahile u aurat log jon Parmeshwar ke weship karat rahin, ulog aapan pati ke aage rakh ke apne aap ke sundar banaain. 6 Ek ekzaampal Sarah hei, Abraham ke baat maanis aur uske aapan swaami bolaat rahi. Tum uske sachcha larkan hei, agar tum raaiṭ kaam karta hei aur koi cheej se ḍarta nai hei.

Taayṭas 2:1-5 Taayṭas, tumme khali wahi sikhaay ke hei, jon sachcha hei. 2 Buḍḍha admi log se bataao ki dheeraj rakkhe aur gambheer aur samajhdaar rahe. Ulog ke bisaas, prem aur dheeraj kabhi kamti nai hoy. 3 Burhia aurat log ke bataao ki ulog ke chaal chalan weisan hoy jeise Prabhu maañge hei. Ulog aur log ke baare meñ gosip nai kare, ya waain peete rahe. Ulog wahi sikhaay jon theek hei, 4 tab jawaan aurat log aapan aapan pati aur larkan se prem kari. 5 Har ek jawaan aurat samajhdaar aur dayalu rahe, aur iske saathe achchha se ghar ke chalaay, jon aapan pati ke hardam aage rakkhe. Tab koi bhi Parmeshwar ke vachan ke insalṭ nai kari.

1 Kurinth 11:5-7,10 Lekin koi aurat jon bina kuchh örhe preya kare hei ya aage ke baat bataay hei, to u aapan muur ke apmaan kare hei. U aurat uske rakam rahi jon ke muur muraan rahe hei. 6 Ek aurat ke aapan muur pe kuchh örhe ke rahe hei. I saram ke baat hei jab ek aurat aapan baar kaaṭ le hei ya muraay de hei. Lekin agar u muur pe kuchh örhe nai maañge hei, tab uske aapan baar kaaṭwaay de ke chaahi. 7 Manush ke racha gais raha ki u Parmeshwar ke mahima laai. Iske matlab hei ki ek admi aapan muur pe kuchh nai örhe. Aurat log ke racha gais hei ki u admi log ke mahima laay. 10 Aur to, yahi khaatir, aur ainjals ke kaaran, ek aurat ke muur pe kuchh örhe ke chaahi, jon dekhaay sake ki uske admi ke hak uspe hei.

Proverbs 12:4; 14:1; 19:13; 21:9,19; 25:24; & 27:15,16 - contentious & angry aurat

Proverbs 31:10-31 - The Virtuous Aurat.